


Fjölskylduhátíð  
10.–12. júní  
í Grindavík

SJÓARINN  
SÍKÁTI



SJÓARINN  
SÍKÁTI

Fjölbreytt dagskrá fyrir alla  
fjölskylduna í Grindavík 10.–12. júní.



Sjóarinn síkátí hefur farið fram árlega frá árinu 1996 fyrir utan heimsfaraldursárin tvö. Því er gríðarleg tilhlökkun í bæjarbúum að geta loks farið af stað með hátíðarhöldin í ár. Metnaðarfull dagskrá er alla helgina á hátíðarsviðinu niðri við höfn.

FRÉTTABLAÐIÐ/ÞRÁINN KOLBEINSSON

# Sjóarinn síkátí í lukkulegasta bæ landsins

Það hefur löngum verið sagt um Grindvíkinga að þegar þeir taka sér eitthvað fyrir hendur þá geri þeir það almennilega og fari alla leið. Sjómannadagshátíðin Sjóarinn síkátí, sem fer fram helgina 10.–12. júní, er þar engin undantekning. **2**



Að sögn Eggerts Jónssonar, sviðsstjóra frístunda- og menn-ingarsviðs Grindavíkurbæjar, er sjómannadagurinn stærsta hátíðin í sjávarþorpi eins og Grindavík er. „Saga sjómannadagsins í Grinda-vík er ansi merkileg enda hefur dagurinn verið haldinn hátíð-legur allt frá árinu 1948. Upphaf sjómannadagsins í Grindavík má rekja til þess að Slysavarna-deildin Þorbjörn og Íþróttafélag Grindavíkur ákváðu að halda daginn hátíðlegan í samstarfi við sjómenn,“ segir Eggert og bætir við: „Þó svo atvinnulífið í bænum hafi tekið miklum breytingum á síðustu áratugum er fólkið hér og menningin enn nátengd hafinu og öllu sem því tilheyrir. Sjóman-na-daginn ber í ár upp á sunnudaginn 12. júní, það er annan sunnudag í júní líkt og er íðulega þegar hvíta-sunnudagur er fyrsta sunnudag í júnímánuði.“

Metnaðarfull dagskrá

Að sögn Eggerts hefur hátíðin Sjóarinn síkátí farið fram árlega allt frá árinu 1996. „Fyrir utan heimsfaraldursárin tvö. Það er því gríðarlega mikil tilhlökkun í bæjarbúum að geta loks farið af stað með hátíðarhöldin í ár.“

Metnaðarfull dagskrá er alla helgina á hátíðarsviðinu niðri við höfn. „Dagskráin hefst með pomp og prakt á föstudeginum, með bryggjusöng á hátíðarsviðinu undir stjórn Pálmars Arnar Guð-mundssonar. Emmsjé Gauti tekur svo við og flytur öll sín vinsælustu lög. Í kjölfarið stígur hljómsveitin Stuðlabandið á svið og slær upp alvöru bryggjuballi fyrir alla fjöl-skylduna.

Á laugardeginum verður ýmis-legt skemmtilegt í boði fyrir börnin. Um miðjan daginn verður boðið upp á andlitsmálun. Einnig er tívolí á hafnarsvæðinu þar sem fritt verður í flestöll tækin. Að auki þeysist sjópylsa um Grindavíkur-höfn með börn og aðra ofurhuga. Þar verður einnig fyrrverandi varðskipið Óðinn til sýnis fyrir gesti og gangandi. Sett verður upp froðurennibraut í brekkunni ofan við slökkvistöðina fyrir unglinga á öllum aldri og margt fleira.

Klukkan 13.30 hefst skemmti-dagskrá á hátíðarsviðinu. Ronja Ræningjadóttir stígur á svið sem og Jón Arnór og Baldur. Einnig fáum við Latabæjarbúa í heim-sókn. Dansköpaní sýnir listir sínar og BMX brós slá svo botninn í barnadagskrána,“ segir Eggert.

Sjómannadagurinn

Sunnudagurinn, sem er hinn eigin-legi sjómannadagur, er svo öllu hátíðlegri en dagarnir á undan, heldur Eggert áfram. „Þá eru haldnar hátíðarræður og sjómenn heiðraðir. Gengið er frá kirkjunni niður að minnisvarðanum um sjómenn sem hafa drukknað við störf og kvennakórinn syngur að vanda. Þetta er afar hátíðleg stund sem gaman er fyrir bæjarbúa sem og gesti að upplifa.“

Sjómannaprautirnar eru svo önnur hefð sem hefur myndast í kringum hátíðina, en um er að ræða ýmsar prautir sem tengjast hafinu. „Þar er koddaslagurinn líklega sú alvinsælasta. Þar ganga menn og konur plankann, berjast hetjulega í koddabardaga þar til annar áskorandinn dettur í sjóinn. Það er hápunkturinn fyrir mörgum að fylgjast með koddas-lagnum. Svo það er um að gera fyrir þau sem hafa áhuga á að sýna færni sína í plankagöngu og koddaslagsmálum, að drífa sig til Grindavíkur á sunnudeginum og taka þátt. Ískaldur sjórinn er líka besta leiðin til þess að jafna sig eftir alvöru sjómannaball sem fer



Eggert Jónsson er sviðsstjóri frístunda- og menningarsviðs Grinda-víkurbæjar.

fram í íþróttahúsinu með Audda og Sveppa, Jóni Jónssyni, ClubDub og BB Brothers á laugardagskvöldinu,“ segir Eggert.

Hátíðin seytlar um allan bæ

Fyrir utan opinberu hátíðardag-skrána á hátíðarsviðinu er að sögn Eggerts ýmislegt um að vera á viðburða- og veitingastöðum sem og öldurhúsum bæjarins. „Það má segja að það verði ein allsherjar tónlistarhátíð í bænum um sjó-mannadagshelgina. Þar má meðal annars nefna að Guðrún Árný Karlsdóttir og trommarinn Egill Örn Rafnsson taka öll vinsælu lögin á Sjómannastofunni Vör að loknu bryggjuballinu á föstudeg-inum.

Sama kvöld halda Paparnir ball á veitingahúsinu Bryggiunni og Nýju fötin keisarans halda uppi stuðinu í nýja salnum á Fish House.“ Alla hátíðardagskrána, sem og aðra dag-skrá á viðburðastöðum bæjarins, má nálgast á vefsíðu hátíðarinnar: sjoarinnssikati.is.

Sjóarinn síkátí er ein allsherjar bæjarhátíð og taka íbúar sig til á ári hverju og skreyta allt hátt og lágt með lit þess hverfis sem þeir búa í. „Það má með sanni segja að íbúar fari alla leið í skreytingum og síðustu ár hefur mikill metnaður verið lagður í þær. Menn hafa jafn-vel gefið út myndbönd og samið lög í tilefni hátíðarhaldanna, svo það verður sannkölluð sjómannadags-stemning alla þessa helgi.“

Einstakt einkasafn opið

„Þess má geta að opið verður í einkasafni Hermanns Ólasonar, útgerðarmanns í Stakkavík. Her-mann hefur safnað dráttarvélum og fornþílu síðan um aldamótin 2000 og á orðið dagott safn af merkilegum og einstökum gripum, Hátt í fimmtíu traktora auk fjölda fornþíla. Meðal annars á hann eina eintakið í heiminum af Chevrolet Buick, árgerð 1929. Einnig á hann Austin Big Seven bifreið með stýrið vinstra megin, en aðeins þrír þann-ig bílar eru til í heiminum. Audrey Hepburn var meðal annars kvik-mynduð í slíkum bíl.“

Komdu í heimsókn

„Sjóarinn síkátí hefur verið fjöl-menn hátíð síðustu skipti og við búumst við að hér komi stór og góður hópur gesta eins og hefur verið alltaf þegar vel viðrar, enda stendur Grindavík á fallegu bæjar-stæði. Dagskráin er metnaðarfull og dregur það enn fleiri góða gesti alls staðar að af landinu. Íbúar Grindavíkur hafa verið að mælast í könnunum sem hamingjusömmustu íbúar Íslands og því er um að gera að sækja okkur heim og skemmta sér með hamingjusamasta fólki landsins,“ segir Eggert.

Með hverju ári til viðbótar sem Sjóarinn síkátí fer fram í Grinda-vík slípast áherslur hátíðarinnar. „Við leggjum nú mikla áherslu á að það eigi allir að geta skemmt sér á Sjóaranum síkátá í Grindavík og því reynum við til dæmis að



Ískaldur sjórinn er að sögn Eggerts besta leiðin til þess að jafna sig eftir alvöru sjómannaball.



Það er eitthvað skemmtilegt um að vera alla dagana frá morgni og langt fram á kvöld.



hafa fritt í sem flest leiktæki. Það er eitt af því sem kom skýrt fram í viðhorfskönnun sem lögð var fyrir bæjarbúa árið 2019 eftir síðustu hátíð. Það á enginn að þurfa að leggja út ófyrstiganlegan kostnað til að geta skemmt sér og börn-unum sínum á Sjóaranum. Við

vinnum að því að uppfylla kröfur bæjarbúa um hátíðina í ár og eins á komandi árum.

Tjaldstæðið í Grindavík er mjög gott og hefur jafnan verið vel nýtt yfir hátíðina sem og aðrar helgar. Einnig er hér fjöldi gististaða. Svo er líka stutt að skreppa hingað af

Sjóarinn síkátí er hátíð fyrir alla fjölskylduna og verður margt skemmtilegt um að vera alla helgina fyrir börn og full-orðna á öllum aldri.



Á laugardeginum stígur Latabæjarhópurinn á hátíðar-sviðið og skemmtir gestum Sjóarans síkátá.



Sjómannaprautirnar eru nokkrar og hér þreytir ungur ofurhugi eina þeirra.

Á sunnudeg-inum er svo sjó-mannadagurinn og þá er hátíðleg dagskrá þar sem sjómenn eru heiðraðir. FRÉTTA BLAÐIÐ /ÞRÁINN KOLBEINSSON

höfuðborgarsvæðinu fyrir þau sem búa þar,“ segir Eggert að lokum. ■

Alla hátíðardagskrána sem og aðra dagskrá á viðburðastöðum bæjarins má nálgast á vefsíðu há-tíðarinnar, sjoarinnssikati.is.





**Bryggjan Grindavík**  
NETAGERÐIN

# NÝR MATSEÐILL LENGRI OPNUNARTÍMI

Opið daglega 11:00 - 21:00





Bílar & Farartæki

Bílar óskast

VILTU LOSNA VIÐ GAMLA BÍLINN ?  
Kaupum bíla 25-250þús  
Hringdu S. 615 1810 eða sendu sms og við höfum samband

Bátar

MERCURY  
Utanborðsmótorar  
2,5 - 600 hp.



Verkstæði Vélasöluunnar hefur á að skipa sérhæfum starfsmönnum til viðgerða og viðhalds á Mercuriser bátavélum og Mercury utanborðsmótorum

R.SIGMUNDSSON  
VÉLASALAN  
www.velasalan.is  
s. 520 0000, Dugguvogi 1  
104 Reykjavík

Þjónusta

Búslóðaflutningar

Ert þú að flytja? Búslóðafl., fyrirtækjafl., pianófl. o.fl. Extra stór bill. Búslóðalyfta. Flutningaþj. Mikael S. 894 4560 www.flytja.is flytja@flytja.is

Húsviðhald

FLÍSLAGNIR - MÚRVERK - FLOTUN - SANDSPARSL - MÁLUN - TRÉVERK  
Ásamt öllu almennu viðhaldi fasteigna.  
Áratuga reynsla og þekking skilar fagmennsku og gæðum.  
Tímavinna eða tilboð.  
Strúctor byggingaþjónusta ehf.  
S. 893 6994

Skemmtanir



SKEMMTANIR  
HLJÓMSVEIT: A. KRÖYER / DÚETT  
Tek að mér að spila í einkasamkvæmum, brúðkaupum, árshátíðir, afmælum og fl. Síðan get ég líka verið með með fjöldasöng og nota þá kassagítar. Verð við allra hæfi.  
Anton uppl. í síma 895 9376 og antonben@simnet.is.

Rafvirkjun  
RAFLAGNIR, DYRASÍMAR. S. 663 0746.  
Töfluskípti, myndsímar. Hagstæð verð. Straumblik ehf. Löggiltur Rafverktaki. straumblik@gmail.com

Tómstundir & Ferðir

Fyrir veiðimenn  
VEIÐIRÉTTHAFAFAR  
Þjorsá, Hvítá og Ölfusá. Netin tilbúin. HEIMAVÍK EHF. S. 892-8655

Keypt & Selt

Til sölu

Gítarinn ehf.  
Stórhöfði 27  
Sími 552 2125  
www.gitarinn.is



Kassagítarar á tilboði  
Gítarar og hljómborð í miklu úrvali  
Verð við allra hæfi

Heilsa

Heilsuvörur



gottcbd.is

Húsnæði

Húsnæði í boði

Góð 2. herb. 72 fm íbúð til leigu í Grafarvogi, langtímaleiga 215 þús per mán, 2 mán. bankatrygging. Reykingar ekki leyfðar né gæludýr. Áhugasamir sendið upplýsingar um fjöldaskylduhagi á habbyhalldors@gmail.com

Atvinnuhúsnæði

Til leigu 50 m2 bil + milliloft. Hurð 3,7 m. Lager eða geymsla. Leiga: 109 þús. S: 661-6800

Geymsluhúsnæði

GEYMSLUR.IS  
SÍMI 555-3464  
Suma hluti er betra að geyma. Geymslur fyrir dánarbúð, allt að 20% afsláttur. www.geymslur.is

WWW.GEYMSLAEITT.IS  
Sérgeymslur á mjög góðum verðum. Frá 2-17 m2. S: 564-6500

Fundir

ÁRSFUNDUR UNICEF Á ÍSLANDI



Ársfundur UNICEF á Íslandi verður haldinn miðvikudaginn 15. júní 2022 kl 10-11 í Miðstöð Sameinuðu þjóðanna að Laugavegi 77, 101 Reykjavík.

Óttarr Proppé, formaður stjórnar UNICEF á Íslandi, mun stýra fundinum sem verður opinn almenningi og fjölmiðlum.  
Á fundinum mun framkvæmdastjóri UNICEF á Íslandi, Birna Þórarinsdóttir, kynna helstu niðurstöður í starfi landsnefndarinnar árið 2021.

HLÖKKUM TIL AÐ SJÁ PIÐ!

Til sölu



Sumarhús og stórt land  
55 mín. úr bænum!  
8 hektara eignarland með 30 fm. bústað!  
Geggjað svæði rétt við Þykkvabæ! 360° útsýni. Hentar vel fyrir hestamenn. Má byggja 2000 fm. á landinu.  
Verð 24 m.  
Uppl. Atli 699-5080



vinnvinn